



Stranka Demokratske Akcije Sandžaka
Democratic Action Party of Sanjak

REPUBLIKA SRBIJA
Aleksandar Vučić
Predsjednik

Predmet: Prijedlozi SDA Sandžaka za preduzimanje mjera u vezi nastavka izbornog procesa predsjedniku Republike Srbije i učesnicima sastanka zakazanog za 4.maj 2020. godine

Stranka demokratske akcije Sandžaka predlaže da se izbori održe najranije 6. septembra 2020. godine.

Takođe smo stava da se sve preduzete radnje u postupku podnošenja izborne liste do uvođenja vanrednog stanja, kao što je ovjera potpisa birača i pribavljena dokumentacija za kandidate na izbornim listama, moraju biti prihvaćene kao pravno valjane i punovažne nakon što se nastavi izborni proces.

Stava smo da je neophodno ispraviti i neke nezakonite odluke Republičke izborne komisije, a naročito kada je u pitanju imenovanje biračkih odbora u nacionalno mješovitim sredinama.

Tražimo dosljednu primjenu člana 8. stav 5. Zakona o lokalnim izborima, kada je u pitanju sastav biračkih odbora u nacionalno mješovitim sredinama, što Republička izborna komisija nije uradila i pored našeg zahtjeva koji je dostavljen prije raspisivanja izbora.

Tražimo da se zbog sveukupne situacije, a zbog kratkih rokova, broj potpisa potreban za podnošenje manjinske izborne liste smanji na 5 hiljada potpisa, kao i to da se i drugi državni organi, pored javnih bilježnika, ovlaste da mogu vršiti ovjeru potpisa.

Zahtjevamo da se ispravi pogrešna i politički motivisana odluka ministra prosvjete Šarčevića da pogazi izbornu volju zaposlenih u vezi izbora direktora Osnovne škole Avdo Međedović u Novom Pazaru, škole od posebnog značaja za Bošnjake u kojoj se u potpunosti izvodi nastava na bosanskom jeziku.

Svojim postupanjem ministar je suspendovao pravni poredak jer odbija da prizna konkurs koji je sproveden u skladu sa zakonom i u zakonom propisanoj proceduri. Tražimo da se priznaju rezultati konkursa i da se dosljedno sprovede ustavni princip da bez diskriminacije svi mogu da biraju i budu birani i stupaju na javne funkcije bez obzira bili politički aktivni ili ne ili billi dio aktuelne vladajuće većine ili ne.

Ako se ovako ministri ponašaju kada je u pitanju izbor direktora jedne škole kakva je onda svrha izbora uopšte. Čemu služe zakoni ako ih vlast ne poštuje. Čemu onda izbori ako će predstavnici vladajuće većine da suprotno izbornoj volji Bošnjaka biraju sebi podobne i lojalne Bošnjake.

Novi Pazar, 04.05.2020. godine
Broj: 118-02/2020

STRANKA DEMOKRATSKE AKCIJE SANDŽAKA
Ahmedin Škrijelj, generalni sekretar